

華東史地文獻 第三十三卷

中國華東文獻叢書



中國華東文獻叢書·第三輯

華東史地文獻

第三十三卷

甘肅省古籍文獻整理編譯中心
中國華東文獻叢書編輯委員會
編

中國華東文獻叢書編輯委員會
甘肅省古籍文獻整理中心

本輯主編：丁鳳麟 方寶川 史梅 李西寧

徐曉軍 黃顯功 傅德華

第三十三卷

中國華東文獻叢書·第三輯

本卷目錄

閩中紀略	〔清〕許旭撰	〇〇三
閩海紀要	〔清〕夏琳撰	〇七七
閩海紀畧	〔清〕佚名纂修	一二三
雜閩源流錄	〔清〕張夏撰	二三七
閩省善後條議	〔清〕林華壽著	五四五

【清】許旭撰

閩中紀略

〔清〕《閩中紀略一卷》。清許旭撰，昭代叢書本。白口，單魚尾，左右雙欄。半葉九行，行二十字。書口下方題有『世楷堂藏板』。

許旭，生平事蹟不詳。卷後有沈樸惠跋文。

閩中紀略

華編卷第二十

野史落帽生許旭著

范耿至親也先是耿王之祖歸順遼左以至受封爲王俱范文肅公力也時范爲內院枋國與耿王同厚誓爲婚姻迨今襲王已第三輩矣而制府乃文肅之子王之妹又嫁制府之姪親戚中于輩行爲長凡書函往來耿稱晚生范稱眷生無相閒也制府在杭久念王輩雖幼而爵已尊同在封疆受其晚生似屬大過因遜謝再四自後耿稱侍生范稱弟亦無閒也

舊例各省督撫移文與平西定南靖南俱平行銜封外面止書某官姓公文遞至某王軍前開拆來文亦如之一日耿王公文至浙傳鼓投進官封已變常式面上大書年月黑簽某日有寫台照會浙江巡撫背刷靖南王封四大字制府愕然及啟私函則耿王仍稱晚生扎中云新奉則例王移文至督撫俱改照會故于私函仍用晚生帖子制府怫然荅東仍改書尊生而晚生帖竟不鑒函外止寫王爺書面授來使而不用印信函封以後來往悉然嫌隙始于此矣

制府在杭時無一日不爲地方興利除害晝夜不肯
逸苟四五日無事便云今豈無一事可做者乎諸君
在幕何不爲我思之一日酒半徘徊起行不言者久
之忽謂余云我有一篇極大文字須要汝做我在浙
江四年爲地方除貪風苛政踏勘歷年荒田蠲免連
歲災傷錢糧于地方亦可爲不負矣及今壯盛之年
不爲國家蕩平六合何用生此七尺之軀鄭氏不賓
有年無有建長策奮知再紉閩廣江浙之師起而滅
此朝食者余籌之已熟先生爲草一疏奏之請從事

焉余曰當今瘡痍甫息民困始蘇邊事一開其費不知何時而止況鄭氏自己亥之後退居海島各安天地一旦驅幾十萬之衆與蛇龍爭勝于不測之淵公獨不計及此乎制府嘿然而散次日至余館中云海之上疎先生草未余荅之如初制府怫然曰我受國恩奮身克敵分也邀先生至此辱以管記代我筆舌亦先生分也先生不草而誰草邪余知事不可止是日疏就脫稿以呈制府喜曰我固知先生之能辨是也然其旨未暢而言未厲俟增鄙見暢所欲言當

以再商遂袖而入閉關者一晝夜始出則已洋洋二千餘言矣大抵首事勢次糧餉次兵將次開謀次外國聚米畫沙了如指掌請纓之氣已勃然在楮墨間又次日酌定繕疏付舍人資入都而以其副寄歸家中云我以示家兄舍弟知我不負 朝廷也家兄謂周山舍弟謂刑部舍人至京先以副呈固山刑部俱駭曰此本所關甚大邊徼至重何可輕言遂寢然漸漸上聞 朝廷雖不見此疏而心嘉其忠閩督之任所由來也

靖甫在閩好飲酒喜結納閩中人率出入府中左右
及藩下未免倚勢腴民所在逞虐相沿已久遂成積
威之漸督撫噤不敢問制府廉威素著 命下之日
百姓歡呼耿府慮其病已也遣使餽重賂至杭云范
老爺素廉苦囊中不具一錢今來督七閩計車馬所
需犒軍所費非數萬不可無勞范老爺籌畫王謹儲
蓄以待久矣制府笑曰我豈以此累王帑哉盡卻之
王益感然

閩中舊例督撫見王王正坐督撫東西侍坐制府

陛見宜言曰總督爲朝廷大臣出鎮一方生殺予奪俱奉天子威命豈有藩王正坐而總督旁坐者乎時靖甫有人在京潛達于閔及制府到任相見王乃下坐賓主謙讓不復如舊例矣

舊例督撫到任王不出迎謁見後送不至級制府抵福州日王郊迎十里設酒洗塵雖託之姻婭實欲自降也到任後王先遣子弟造賀制府隨即謁王賓主禮成歡好特甚臨別制府攜手道放行一二十武至級制府佯若忘之者又攜手同下三級始憬然曰王

翁何謙光至此始分手而別以後相送遂爲常例
閩中積糧徵索已盡兵餉告匱刻不可支福州缺三
箇月淳泉各府缺六箇月脫巾之變日日可虞各兵
聞范侍郎將至忍飢以待因而前任劉總督得以安
然卸去及制府蒞閩竭力措處僅發到任後各餉而
先缺之額竟無從給因遣使告急于浙預撮十三年
解閩額餉六十萬以濟然眉尚屬晝餅閩事敗壞可
知

閩督中軍王可就先爲浙弁悍而虐茶毒一方百姓

苦之制府撫浙時屢欲置之法以巡撫不與兵事屬
浙提參核審究數番幸而獲免後升閩督中軍方欣
免脫不料制府又奉七閩之命適隸麾下制府愛
其曉勇輒曰是一用得的人而可就實未知也舊例
總督到任每府出銀一萬兩爲修理衙門之用制府
訪知其弊嚴欲革除一面檄行按察司又飛檄可就
傳諭禁止檄上硃筆大書倘有不遵仍行餽送者該
中軍細打五十可就駭曰我雖中軍職爲副將豈容
細打此必范侍郎欲殺我也心畏不已然竊聞制府

平海素志尙冀立功自効偶有人從海中來投可就
圖畫洲島形勢地方虛實進兵機宜介以獻制府可
就大喜陰畜于家者半載直至十月范公至閩中可
就自以爲贊見之先資不世之奇功制府必善之也
視事後三日密陳其事制府召其與語平平無奇磨
而去可就心益恐屬升左江總兵奉 旨正陪俱回
京 陛見 欽點其副而退可就還舊職自此鬱鬱
南歸甫至閩則耿王將造亂肘腋之下甘心叛公矣
毛廿一者江山土豪也居清湖鎮以歇店爲業甲于